

Ewe

Kapasen Emirit





Pokiten pochokunun inisich mi auchea ngeni pochokunun ngunuch, Semach won Nang a ngeni kich annuk pwe repwe apochokuna kich non pekin inis me ngun. Non ewe Niwinsefaniton ewe kapas allimen Jises Kraist, Kot a pwär ngeni ewe Soufos Joseph Smith ifa usun sia tongeni tumunu inisich pwe Ngunun ewe Samon mi tongeni nom rech. Ei pwarata mi iteni ewe Kapasen Emirit. Mi namwot pwe kopwe anneasochiki ei annuk ika ka mochen papatais non Ewe Mwichefenin Jises Kraist ren Aramas mi Pin non Fansoun Soponon. Watte feioch epwe tori aramas ika repwe pwär ar nuku ren anneasochiki ei annuk.

Met Wewen ewe Kapasen Emirit?

Ewe Samon a pwär ngeni ewe Soufos Joseph Smith ewe Kapasen Emirit. Non ei pwarata sia kaeo pwe sipwe tutumunu pwe sisap un sakau, supwa, me konik mi pwichikar, wewen kofi me ti. Soufos ikenai ra pwan aiti kich pwe sisap ani sefei mi ngau ika och mettoch mi ngau ngeni inisich me mettoch sise tongeni nikitano. Ewe Kapasen Emirit a pwan aiti kich pwe sipwe ochoch futuk fan ekkoch chok me sipwe ani och sokkun krein, foun ira, me chen ira.

Pwe kopwe pochokun non pekin ngun me inis, ewe Samon a pesei ngonuk pwe kosap un:

- *Sakau.*
- *Supwa.*
- *Kofi me ti.*
- *Safei mi ngau.*
- *Pwan och mettoch mi ngau ngeni inisum me mettoch kese tongeni nikitano.*

Efeiochun ewe Kapasen Emirit

Ika kopwe apwonueta ewe Kapasen Emirit kopwe apochokuna inisum me ngunum. Mi tongeni wor osukosuk non inisum, nge ika kopwe aneasochiki ei annuk epwe anisuk pwe inisum me om ekiem repwe pochokun.

Non ewe Testamen Sofo ewe Aposel Paul a awewe ngeni kich pwe inisich mi wesewesen eu tempel: “Ami mi sinei pwe ami an Kot we imwenipin, iwe Ngunun Kot a nonnom non netipemi? Nge ika pwe emon epwe ataieno an Kot we imwenipin, iwe Kot epwe nnieno i; Pun an Kot we imwenipin mi fakkun pin, iwe ami, pwisin an Kot we imwenipin” (1 Corinth 3:16–17).

Nupwen ka apwonueta ewe Kapasen Emirit, om ekiem me ngunum we repwe monnota pwe repwe tongeni angei emwen seni Kot. Kopwe kao ifa usun kopwe ausening ngeni pesepes me memef non pekin ngun. Ewe Ngun mi Fel epwe emwenuk me tutumunuk seni mettoch mi efeingau. Om pwisin mirit epwe wattenno. Epwe wattenno ewe kinamwe non om ekiem, om pwisin mochen kopwe nemenem, me epwe wor om apinukunuk fan iten met epwe fis non manauom.





Eu Kapasen Emirit

Ei pwarata, ewe Soufos Joseph Smith a angei non ewe ier 1833, me a wesewesen emwen seni Semach won Nang ngeni Noun kewe ikenai. Ei pwarata, mi kapachenong non ewe Doctrine and Covenants, sopun 89:

A eu Kapasen Emirit pwe epwe anisi ewe mwichefen me ekkewe sounang non Saion . . .

A eu nongonong me a fiti eu pwon ngeni ekkewe sounang mi wesewesen apwangapwangano. . . .

Non ewe Kapasen Emirit, ewe Samon a ereni ekkewe sounang pwe pokiten a wor kokkot mi ngau non netipen aramas non ekkei ranin soponon, A ngeni kich ei kapasen emirit me ren pwarata pwe sipwe tumunu manauach—

Iwe, ese och ika sipwe un wain ika sakau. . . .

Iwe, supwa ese pwan och ngeni inisich me nukach, me ese och ngeni aramas. . . .

Iwe, konik mi pwichikar [ti me kofi] ese och ngeni inisich me nukach.

. . . Meininis ekkewe sokkun chen ira Kot a for pwe aramas repwe tongeni aea. . . .

Ewe Samon a pwan for futukun maan me machang pwe aramas repwe ochoch ren kinisou; nge sipwe ochoch futuk fan ekkoch chok. . . .

Meinisin sokkun krein mi och pwe aramas repwe mongo pwan usun chok foun ira, ese pwan nifinifin ika a marita won pun ika ira. . . .

Me meinisin ekkewe sounang ir mi apwonueta ekkei mettoch repwe angei pochokun non puer me masauen chuur;

Me repwe kuna mirit me repwe fakkun sineinap, usun mettoch mi monomon;

Me repwe saa me resap pekus, me repwe fetan me resap turuno.

Me ewe Samon a pwon ngenir, pwe esap tinano emon chon nang pwe epwe ataieno manauer, usun ekkewe aramasen Israel, pwe esap niireno. Amen (Doctrine and Covenants 89:1, 3–5, 8–10, 12, 16, 18–21).





KITAB PERMON

Nikitano Mettoch Mi Ngau Ngeni Inisum

Ika ka un supwa, sakau, kofi, ti, safei mi ngau, ika och mettoch mi ngau ngeni inisum, kopwe kouno iei. Kopwe feioch ren eu inis me ngun mi pochokun. Ekkoch aramas a wor mettoch non manauer rese tongeni nikitano me a fakkun weires pwe repwe kouno. Ika mi weires pwe kopwe nikitano ekkei mettoch mi ngau, kopwe tingor ngeni Kot non iotek pwe epwe anisuk pwe kopwe tongeni ekewini om kewe ekiek, foffor, me sosot ngeni mettoch mi murino. Nupwen manauom mi unus ren mettoch mi murino, om mochen ne fori mettoch mi ngau esap chiwen pochokun. Ekkei pesepes repwe anisuk:

- Pwisin finata pwe kopwe kouno. Iotek me echikifel ren nuku pwe ewe Samon epwe anisuk pwe kopwe pworacho ngeni om fofforingau.
- Kopwe kaeo ekkewe pukfel. Chechemeni ekkoch wokisin me apasater fan chommong. Repwe apochokunok non pekin ngun.
- Tingor pwe kopwe angei eu efeiochun ewe pristut pwe kopwe tongeni pworacho ngeni sosot.
- Poutano mettoch mi ngau ka pwisin kamoch won, me kosap angei pwan och.

Achocho ngeni!

*Nupwen ka etiwa
ewe Achasefan non
manauom, ewe Samon
epwe anisuk, ina mwo
ika ka ekkis mang
non om fefeita.*

- Makketiw ekkewe kunok, neni, me atun nupwen a wor sosot pwe kopwe ataieno ewe Kapasen Emirit. Fos ngeni inom me semom we, punuom we, ekkewe misineri, me chienom kewe pwe kopwe tongeni su seni ekkei mettoch. Ren awewe, kopwe fiti och sokkun uruomot pwe esap wor om sosot. Ausening ngeni konun namanam, anisi aramas, annea och sokkun puk mi murino, ika ataiso nupwen a wor om sosot.
- Fiti mokitukuten Mwichefen. Kopwe arap ngeni ewe Samon me epwe apochokunok pwe kopwe tongeni pworacho ngeni om mochen ne fori mettoch mi ngau.
- Fiti och sokkun mwich fan iten om kewe osukosuk.
- Kosap monukano pwe ewe Samon epwe anisuk ika kopwe anonga won I. Ese mecheres pwe emon epwe nikitano ekkei mettoch, me ekkoch aramas ra niwin sefan ngeni mettoch mi ngau fan ekkoch me mwan ra wesewesen kouno. Achocho ngeni, me kosap nikitano om apinukunuk.

Ika kopwe tipetekison me wenechar non om kokko ngeni Kot me aramas fan iten aninis, ka tongeni pworacho ngeni om kewe sosot me ren An Jises Kraist Achasefan.

Nupwen ka manaueni ewe Kapasen Emirit, ewe Samon a pwon ngonuk pwe kopwe feioch.



PWAN OCH NE KAEO NGENI

Ekkei kapas eis me wokisen repwe anisuk non om kaeo usun ekkewe nongonong non ei puk. Ekkewe minen esinisin non ekkewe pukfel repwe emwenuk ngeni pwan ekkoch wokisin me minen aninis usun ekkei nongonong.

Pwata upwe tutumunu met sokkun mettoch a tonong non inisi?

Proverbs 20:1 (Paipen, Testamen Noom)

1 Corinth 3:16–17 (Paipen, Testamen Sofu)

1 Corinth 6:19–20 (Paipen, Testamen Sofu)

Doctrine and Covenants 89 (Ekkewe misineri ika emon chon ewe Mwichefen mi tongeni anisuk pwe kopwe angei echo puken Annuk me Pwon. Ka pwan tongeni ngeni www.mormon.org pwe kopwe kutta echo.)

“Word of Wisdom,” *True to the Faith* (Ekkewe misineri ika emon chon ewe Mwichefen mi tongeni anisuk pwe kopwe angei ei puk. Ka pwan tongeni kutta echo non www.mormon.org.)

Met sokkun feioch, non pekin inis me ngun, kopwe tongeni angei seni om aneasochiki An Kot kewe annuk?

Daniel 1:3–20 (Paipen, Testamen Noom)

Ifa usun ewe Samon epwe apochokunaei nupwen a wor ai sosot?

Mosaia 5:2 (Puken Mormon, peich 82)

Mosaia 7:33 (Puken Mormon, peich 162)

Alma 13:27–29 (Puken Mormon, peich 243)

Ether 12:27 (Puken Mormon, peich 510)

Met Upwe fori?



- *Sopweno ne anneani ewe Puken Mormon.*

Mi och kopwe anneani: _____

- *Manaueni ewe Kapasen Emirit. Iotek ren aninis pwe kopwe tongeni apwonueta ei annuk. Awora om ketwe ekiem pwe kopwe apochokuna inisum me ngunum we ren om kopwe mongo mettoch mi murino me kopwe su seni mettoch mi ngau.*

- *Fiti fan non ei Raninifel.*

- *Sopweno ne ammonata pwe kopwe papatais.*

Ranin papatais: _____

- *Nengeni www.mormon.org pwe kopwe kaeo pwan och mettoch usun Ewe Mwichefenin Jises Kraist ren Aramas mi Pin non Fansoun Soponon.*

- *Sopweno om churi ekkewe misineri pwe kopwe pwan kaeo ifa usun ekkewe annuken Kot mi tongeni efeiochu manauom.*

Ranin ach chusefan: _____

Iten ekkewe misineri me nampan nour we fon:

EWE MWICHEFENIN
JISES KRAIST
REN ARAMAS MI PIN NON
FANSOUN SOPONON

www.mormon.org

Esinnan Chon Fori Sasing

Apponun me mwan, peich 6 seni Steve Bunderson. © Steve Bunderson
Peich 2, chunganin *Brother Joseph*, seni David Lindsley. © David Lindsley

© 2012 seni Intellectual Reserve, Inc. Meininis pung mi kawor. Mi for non Merika. Kapungunon non fosun
Merika: 11/05. Kapunguno chiakun: 11/05. Chiakun *The Word of Wisdom*. Chuukese. 01145 901

CHUUKESE



4 02011 45901 1

01145 901